





第一一六九册

四庫全書

● 上海古籍出版社

本冊目次

後	竹	橘	山
	附		後
	齋	山	
樂	詩	四	房
集	錄集	六	藁集

宋	周	南撰……………	一
宋	李廷忠撰……………	一三三	
宋	裘萬頃撰……………	四二三	
宋	衛涇撰……………	四六三	

欽定四庫全書

集部
山房集卷二

詳校官庶吉士臣翁樹培

主事臣呂雲棟覆勘

謄錄監生臣尹大謙

謄錄貢生臣湯逢泰

欽定四庫全書

集部四

提要

山房集九卷

別集類三 宋

臣等謹案山房集九卷宋周南撰南字南仲

吳郡人淳熙庚戌登甲科官至秘書省正字

再以薦入詞館皆不久罷去遂以殿廷所授

文林郎終焉宋史藝文志有周南山房集五

卷卷目多寡迥異今檢永樂大典所載有題

欽定四庫全書

山房集
提要

山房集者亦有題山房後葉者與陳氏著錄

之本合知宋志五卷之目乃傳寫脫訛不足

據也惟永樂大典所錄篇帙無幾當由刪難

太甚故佚去者多今但就其存於今者各依

原目釐為前集八卷後葉一卷以畧存其舊

南長于四六以俊逸流麗見稱制誥諸篇尤

得訓詞之體其初入館也葉適實薦之考吳

子良荆溪林下偶談有云開禧用兵韓侂胄

欲以輩適直學士院草詔適謝不能既而衛溼
被命草云百年為墟誰任諸人之責一日縱
敵遂貽數世之憂溼見適舉似誤為墟為成
墟他日周南至適告以溼文字近頗長進然
成墟字可疑南愕然曰本為墟字何改也適
方知南實代作因薦其宜為文字官遂召試
館職蓋即其事按此四語今在南所作秦檜
降爵易謚勅中則當時已載入已集足徵其
不能割愛而勅內別有兵于五材誰能去之
臣無二心天所制也數語亦極為王應麟所
激賞是其纖組之工膾炙人口尤可以概見
矣集中又有諸書題跋二十餘則與館閣續
書目體例相近疑亦在館校勘時所作又雜
記數十條多述宋代故事間或直錄古書之
文無論斷疑本別有說部附于集內而為永
樂大典所割裂今無可參證姑仍其原文錄

之云乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

山房集卷一

宋 周南 撰

五言古詩

李春 二月二十四日

初簾欲送籜晚風做過之斑芭初委地永與琅玕辭
生五丈高鳳吹鳴參差墮籜膜已朽不恨見竹遲物成
亦大艱搔絕誰當奇誓同初生竹長護幽貞姿

暮春

欽定四庫全書

山房集

茲辰如翻車其行靡脫轂春無十日妍見此條蔓綠蒼
蒼拾落花天膏尚如沐足身豈不好反覆看已熟惟有
白石子繁繁菖蒲斜

八月七日與吳沈二道人同過書塢時山堂初

成

啓陽收晶熒清觴度林霽坡陀認槿籬屋角初塗壁入
門露蔭竹走鞭土為沸橘藥尚小溢菊柄已幽藪少紆
跌坐筋漸出穹隙味疎叢石貞瘦密樾塵髣髴成余獨

往顧勞我慈親費親年合幾何倏已近喜畏我髮白滿

把晚食遲下胃一歲能幾來每來時自慰不雨已經旬

長道燭饑蜚竹檐出山泉草根坐土氣長願居此勞州

里未為貴

咏史

客嬰義主臣銷骨事未竟白友讎諾責斯義在項領惟
白束純心遑恤身後事惟嬰抱遺育不以後死愧嗟乎
古人達樹德見喪則並驅不同達存歿事願畢茲事亦

欽定四庫全書

山房集

大難義竭斯近仁孤成死不死太息難重陳

博雞

慶元夏四月所至喧博雞小市車不通引首望其達雞
籠三尺高雞價千錢提苦云輸錢少取取闊樣歸小兒
博手短顛走歌呼齊搜携遍村墅往往空其棲或買鵝
代之亦取雞為辭僕夫告我言官人那未知聚歟已跨
日來初知為誰余無五行學覺有纖芥疑老距不可瞻
利甯長安施更訝十錢片一博多得之歸尋故老問始

云眼見希因之互猜愕傳來又夸毗或謂近難禍或言
難者饑歲行將在西事應恐在茲聖明攸好德百稔潛
光輝森茲朱衣者萬萬不關時但疑一種類華雄無兼
雌更恐坊市內相望野雞啼豈將有微吟神者預啟其
乖風感乖氣朗鑒尚表做人言良過矣邦禁亦未非我
欲效風人聊賦博難詩

七言古詩

呈趙蹈中

欽定四庫全書

山房集

三

趙子面白如玉倥定須逃得文儒餓經年憶破古人心
近日妹夫初病可忽然到門已驚駭令我失喜多兩拜
君來看我還看親我顧不能君莫怪自云曾見杭州火
說著紅湖先淚墮水衡支散新鑄錢詔書未御正朝坐
向來送我龍泉器秋色新蔬恰相似且將濁酒慰營魂
多留幾日論文字取詩須取杜正傳尋到岑參高適邊
轉處正須寬一步只今且向晚唐前

卓文君

西京雜記載司馬相如將聘茂陵人以為妾
卓文君作白頭吟以自絕因推其意為大君
怨

曠代佳人十六七膚如凝脂髮抹漆芙蓉為臉玉為容
淡拂眉尖遠山色夜梧月落秋夜長孤鶩三疊傳高堂
瑣憲認得琴心怨直恐韶華不得當瑤環潛送愁慙意
只今猶記來時事殺身不贖父兄羞圖得歲寒成共蒂
陽昌市東鵲鵲來為鑑相看未白頭試拈玉鉏攏金撥
新聲比似舊聲愁世間思愛何時盡流水落花皆往恨
不愁歸避茂陵人羞逢往日臨邛令駕鸞並翅雙飛宿
欲話衷腸歌不足古來應有白頭吟誰念妾身今再辱
五言律詩

十月十日立冬

立冬前一夕牀地起寒風律呂看交會衣裳出褚中
窮時作慙懷抱歲將終汗手汗牙筆晴簷共充翁
餘有
十年矣

入梅

地濕衣生醖天涼葛未裁
暴暄偏壞藥微澆似成梅
苦筍相將盡良朋久不來
若無書作伴那得好懷開

石湖

作者看胃臆冷然接大荒
雲溪收浩蕩海觀度滄涼
故國餘丘壑春船落鮑陽
百年看俯仰越燕入空梁

姑蘇臺

輟杵餘千禩叢臺此舊都
水花銷滅瓦組練入瀟湖
浩

欽定四庫全書

山房集

五

蕩春風在荒亡霸業燕往來
吳父老藉草話城郭

庭燎

種髮看如約松明又送寒
顏哀鰥老健慨我獲薪乾
小市街聲沸明河小霧漫
賣癡兒女喚更作夜來看

讀史

條綜都遺忘緒收亂貯儲
據梧甘祗滯撫卷涉伸猷
老去從黃稿昏來著茗祛
緬懷千載上知讀幾年書

登閩闔城

閩闔開城郭東南見此州
尊安山體奠柔靜土田收易

野曾興國崩臺早得秋
間民無職事力食愧鋤耨力民代食

秋日步至湖桑埭西

伏枕衰方劇措節氣忽增
細泉鳴暗竇疎樹映孤燈
斷鴈寒依渚長魚健脫罾
行纒已無用却作在家僧

賦里人亭前三立石

昔人藏巧拙收拾老亭雲
雨溜漫天鑿年侵見石心
支撐非爾力秉執儼如臨
亦有渾渾氣唯嗟骨未任

欽定四庫全書

山房集

六

山居晚步

蔬腸消穀暖拄杖出林深
曠背斜陽在蛩聲暮氣侵
崗壑舒伏脉松菊會歸心
墟落函寒早山曠日未沉田父為予

言陽山外日夕尚未昏黑不此奇
常日落山便夜言陽山能隔日

步擔腰鎌急平疇憑稻稀
水雲漫白道炷竈起青霏
縫塔隨煙暝巢鳥擇木飛
年豐閒正少乘屋匠人歸

山居

燭火燒烏桕敲冰發石楠
烈風冬日夜短褐野人蒼
麥

地宜秋穀有稭記接柑山中無禁具日影漸移南

一本雲物

山家

小麥連湖熟黃梅作彈飛穿林青橫過觸柁白魚肥子
男輸絹急姑婦插秧歸枳花茶似雪留客共湘蔬

一作新茶

新出焙紫此詩後半脫結句亦出韻疑有錯誤今無別本可校姑存其舊

驅儼

高明紆鬼責與深費誰何兒女今無忌街坊又進儼流

欽定四庫全書

山房集卷一

年榮惑遇一作碑撰隊仗一作史史平多求福吾能記門

前不用呵

奉問座主丘侍郎

早歲虛仁鑒頻年潤素書斯文誰後死甲子正安居公
館初陽動江沙海氣於近傳肝液少歲晚更何如
故老淒其甚嗟余尚庶幾勲庸遲玩珠顧盼有晶威伯
氏供為子諸生記攝木妻涼許非恨圖得誨言歸

送鄒守邂逅祭酒李公

早作將吳守臨分御李侯清醇瞻耆老省素共晨羞鄉
里終全活人家更小留腐儒疎懶意白水看行舟

懷友人趙蹈中

妙質端能勁除官正爾遲和歌誰與共揆別可無饑俗
學訾豪奪家人怨絕癡相看又秋暮未敢嘆余衰
虛想憐神怒端頭獲暑侵父兄寬責寢飯驗初心夜
氣收肝膈晨窓得笑吟生年推我長莖殖可能深

孟良甫別一歲無書有懷寄之

欽定四庫全書

山房集卷一

孟氏好兄弟相從隣巷居一窮吾得恐千里意何如夜
雨看僮僕家兒不啻子豐年民瘼少莫厭故人書

示子

編軸初粘飾憲堂暑淨蠲師前無脫履弟幼與隨肩苦
奈休多食精締不耐攔避明吾語汝欲睡更來前

聞館客病侵曉得小馬亟歸

濛濛露氣白耿耿東方明馬捉步猶碎鳥營食又鳴修
過黃峴嶺遙見閭閻城欲問兒曹懶前虞祿命輕

哭同年友馮校書

叔常雙髻骨客死漢江中憶昨煩憂甚知吾友道窮遠
遊那知己即願得純終他日論已產東西有二馮

病父沈摩久扶行未有孫寡妻持酎酒已月旅歸魂摧
落收威暑兢危過峽門銘旌今遠近到日敗垣存

五言排律

偕蹈中過書塢歸二十韻

我塢須君到茲行說幾時喜來衣裏少勇出岸頭維篙

欽定四庫全書

山房集

九

節探渠溜燈籠上酒甌亂蛙嘈沮如警犬候芭籬闕白
瞻林塢排蒼架月規澣締樛易透潔揭帶難施落彈如
梅熟拋簪似筍遺橘包收夕潤杉彩漾朝曦漆梳湖魚
塋瓷甌盃粥糜苑肩高木蔭安膝下亭茨散地今茲見
荒蹊過者誰說求諸老記留下故人詩憊幹宵中復佳
眠旦起遲衣簞寬女送藥剗切兄暨僕點昏來宸船棹
泊定移句村當面逼天巧古人窺還往楓橋路低徊泰
伯祠比君多數歲把卷憶吾師八月登杭稻西風理釣

絲未嫌墟曲小來赴野塘期

余杜門兀生三年壬申六月九日出吊平望歸

途阻風第四橋余曰是持偶相值爾不然豈造

物者出門即相料理耶舟人曰然因識之

地借沮龍宅隈橫海屢樓馬蹄翻震電沙甯更生洲雲
壑懸繩渡天風激箭抽濕霖平行沃暗井滅夫溝蹠起
爭橋齒攏來似海鱗浪花將岸颭塔影聽桴浮却憶銜
枚地曾驅縞練舟謾云天設險豈是水為柔無事人千

欽定四庫全書

山房集

十

古逃榮茗一甌川靈工閱世翻覆幾時休

七言律詩

春日即事

料理清明天氣催提先幾日柁船開六朝事往餘簪塔
百草春回上舞臺巢燕爭迎華屋去海潮猶傍故城來
主人兩鬢千絲雪更斷青真出稚栽

一本云堤面春山
舊舞臺提先幾日

種雅

柁頭開一簪影落山頭塔千樹香吹麓下梅鳥入寒烟
連翠羽鳩呼宿雨長蒼苔主人兩鬢千絲雪更斷青真

後過書搗夜坐

下駕官橋黃岷東二十五里名新豐慈竹色如蘆葦白石楠頂結櫻朱紅紙灰養火冬將盡跌坐看書暖漸融且蓄春雷歸地底放令晴雪滿山中

九日祁城外

清晨驅馬出重闌漸有狂花似小春草市豐年聲洩洩官河霽色水粼粼山林送老無子罪物色愁人逐歲新便擬移家去城郭可無茱菊慰慈親

欽定四庫全書

山房集

十

泛舟游虎丘

水遶朱門宿海槎山沉海月上晨霞烏啼煙樹雨初歇鐘度雲猶日未斜僧俯鉢也看貝葉人追寒食家楊花西子年侵丘谷換女牆還有舊宮鴉

過虎丘

勾吳霸業竟誰成留得崇丘歲一登玉厖已隨黃壤盡鐵花空向碧潭凝注闕問金玉為虎馬東坡虎丘詩鐵花秀巖壁空中有塔掀鈴語臺上無僧喚石應踏盡蒼苔春老去但餘落日與

寒藤

狐狸狐搨已無成

吳春去春來幾度登海湧名山真幻

出酒酣看劍已塵凝鵝陂人遠臺空在

內傳闕問畫遊蘇臺村於鵝陂

鶯谷聲殘鳥倦應越絕興亡俱一夢為君同弔剡溪藤

文粹有弔剡溪藤文

晚出至湖桑埭

殘年孤寂不堪言時喚平頭駕短轅老氣猶能作罷卧

壯懷誰復記鴻軒擢歌縹緲城西路烟樹參差埭北村

欽定四庫全書

山房集

十一

堪笑怪哥消未盡夜來還夢屬索鞭

送林潮州

六月赴任

誰把科名誤真君不教獻納近華勛一麾暫遠長安日

六月先清瘴海氛馬首喜無灑吏問筆端應有鱷魚文

明年勝日知無限還記江東日暮雲

乙卯之秋送項秘書倅池陽是時教官之闕尚

在來春

諸老紛紛去不留之人也作翠微遊要看綠字封蒼鮮

須趁黃花插滿頭秋水隔人猶有恨春山得伴更何求

九華樓上新風月不學詩人賦隱憂太白秋滿詩題詩

生一作已到三山忽引舟去尋小杜翠微遊謝備舊

即傳心學博士先寬血指羞秋水隔人猶有恨春山得

送項倅

衡嶽山頭喚下來高人不肯住蓬萊先秋手得平分月

當暑身無半點埃世事相逢休掛口吾儕一見且銜杯

夜闌約立銀河表閭闔天門次第開

欽定四庫全書

山谷集

十三

昨者搜賢詔下來旌蒲紛選起蒿萊誰人肯厭承明直

我輩休汙世俗埃天近須回宣室召時難倍愴渭城杯

殷勤為誦江湖句少立斜陽舟未開

送江陵牧次對貳卿

夢斷江湖絕寄聲不圖猶見老成人白頭未覺相從晚

青眼何繇此會頻山谷詩寄聲何由頃自古荆襄俱重鎮今公羊

陸是前身六千里地無非郭郭今江陵寬著思波浸遠人

歲杪送同官趨朝

異縣飄零興已闌更來樓上說加餐不知壯日消磨已

也似中年賦別難酒盡沙頭悲夜永書來日脚是春殘

人生塗轍嗟何限好在分攜恰歲寒

謝友人見過

歲暮寒風易中人對床誰與話情真平生知我無如子

此度相看又隔旬世味慣看如嚼蠟寒窗癡坐正凝塵

只今便擬高軒過飲水母嫌仲叔貧

和史君喜雨

欽定四庫全書

山谷集

十四

通宵萬玉乞移災閭闔天門午夜開屏翳不隨風伯住

雷車爭逐阿香來送神曲奏爭加額送神日道傍無不以手加額喜

雨詩成巧奪胎聞說阪田猶未插更須精意轉天回

蠶管無葉不成眠眯眼黃沙障麥天誰遣爐煙生濕霧

立翻江水沃桑田電飛鄰壤同時事春人民禱賴吏賢

欲把豐年占覆斗寸心應向碧霄懸

百萬疲氓饑欲啼陰靈一夕靡雲旗殺芒綠潤沾天澤

梅子黃肥帶雨時薄官經時誰舉手豐年重見且信眉

自至池
兩見總諸生未用歌華黍得熟民貧未可知

挽耿侍郎

給事初為畿縣令姓名直徹阜陵前後來佩盡名藩印
死去家無數頃田留與道塗歌長者未調鼎鉉合長年
龔黃只取優稱去更有雲臺論百篇

同年葛簽挽章

右園張飲上晴湖憶在園司識面初二紀年光何忽忽
五更春夢已蓬蓬影綵曾識飛鳧爲折獄爭馳薦鶚書
可惜佳城繁蔓草只教綠水泛紅蕖

欽定四庫全書

山谷集

十五

少年並馬曲江遊曾到慈恩塔上頭過眼流光真露電
驚心宦海半沉浮君今又隔重泉夢世事嗟傷逝水流
獨立東風數華髮不堪春草起離愁

挽秘撰趙郡運子固

舊學虛蒙一字褒暮年曾得拜江臯丹砂推意成前約
玩印連章避左曹事業畧曾隨手見死生應嘆有身勞
只今蛻脫西林去始得先生蚤退高

公自隆興歸南
始冬職於京口

闕題

天憐羈迹寄諸侯付與危欄早得秋相見便知懸榻意
闕亡時得挾書遊山容老去蒼崖在水潦痕存淺碧收
高我儒冠無用世不應更躡九華樓

天憐羈迹寄諸侯差近危欄付與秋風物捲簾都在眼
湖山如畫恰當頭征鴻已作隨陽計社燕能爲幾日留
賴有楚天涼夜月二年相伴上焦樓

五言絕句

欽定四庫全書

山谷集

十六

皇帝閣春帖子

路寢朝元早條風應律初八荒躋壽域一札下寬書
玉燭天時正金釵歲兆豐華封遠上祝聖德與天迥
禁籞希臨幸宵衣戒未明餘閑寓弘矢勸講只儒生

皇太后閣春帖子

遲日回蒼陸祥霏下慶霄靈椿儲壽嘏寶冊追瓊瑤
官梅猶注萼御柳漸垂絲太母如任姒深居寶儉慈
內殿家人禮猩袍奉玉卮椒盤勤盟饋百世有孫支

阻風

野鷁塵掠起大舶勢方張客子雙篙弱回風得岸當

七言絕句

皇帝閣春帖子

曉漏催班拱至尊千官綺勝簏金禧紫皇恭儉憂民切

未祝椒盤祝獸搏

晉禮志正旦元會設白獸搏於殿庭能獻者發此搏飲酒

玉宇朝來變好春都傳塞上已和親中天日月無私照

萬國耕桑雨露均

欽定四庫全書

山谷集
卷一

七

萬里長城漢有人羽書漸少捷書頻君王軫念春寒重

更解貂裘賜將臣

皇太后閣春帖子

三朝備福尊壽樂七秩脩齡古更稱閨寢龍樓家法在

鷄鳴步輦過慈幃

當年三殿

當作殿

瑤池會天仗將回樂未央獻歲東朝還

大內仙韶遲上萬年觴

濯龍宮館漏聲徐閒把黃庭味道腴侍女不持珠玉玩

爭傳文母幹衣圖

九日有菊

此花每歲須霜後素節今年置閨深流轉風光須好在

只愁人老鬢毛侵

咏梅

此君一日不可欠獨爾梅花動隔年更有晦冥風雨在

可能相見不依然

此花高是少人知步到喬林始見之老我怕風并怕雨

欽定四庫全書

山谷集
卷一

十八

一年過了又無詩

不是衝寒欲避春古來辭富不辭貧高之孤竹求仁輩

早是早來釣雪人

詩在溪橋興在人年來遠樹費追尋何人鍊得冰霜骨

調出孤山韶濩音

過雪溪

晴溪帆卷鶻聲柔兩岸青紅濕未收欲問三吳清絕處

碧瀾堂下採蓮舟

宿春谷

周翰為春谷
長出備牛者

獬兒總角交，孫策牛渚明。年得小喬避，近英雄誰似此。
向來州縣豈徒勞。

遊石湖

曉日曛曛水霧開，自吹清管過湖來。闌閣城下青青草，
又染裙腰上舞臺。

觀釣魚

湊餌驚跳去，復迴直疑芒粒是。浮埃江湖多少潛淵地，

欽定四庫全書

山谷集
卷一

十九

何事持身水面來。

南仲將至荷葉浦，舟人憂鼠竊不敢宿。浦下迢迢
曉方渡，聞久無荷矣。

晴波綠淨渺如湖，認得荷花似子都。疑是天孫憎俗駕，
急收雲錦長萑蒲。

過齊門友人居

藥欄圍戶是鄰家，破板門開雨髻丫。瓦斛子中柑落盡，
臘前尋訪白山茶。

遇青陽齊丘舊隱

本題天寺
改為微賢

舊學縱橫術已精，不妨高卧且辭榮。奇憐三別秦淮路，
不得終南處士名。

利盡漁民五季年，誰蠲丁口畝輸錢。不將公量收家邑，
漫把微賢改應天。

贈上人

上人夢裏營詩思，比似看經僧更忙。包山寺裏秋晴後，

霜未濃時橘正香。

案此詩下
二句脫粘

欽定四庫全書

山谷集
卷一

十

又贈上人

八十詩僧歲莫閒，又隨白浪上包山。青霜四面橙藥熟，
獨步三門獨自還。

八十高僧不誦經，挑單又發洞庭程。包山雪裏三門上，
吟就橙詩立又行。

橙橘青時最有香，包山架後兩番霜。上人夢裏營詩思，
比似看經僧更忙。

酌第四橋水有懷陸羽

未必茶甌勝酒醒且將衰髮戴寒星太湖西與松江接
不礙幽人第水經

橫山寺楞伽塔詩

白傳遊春得錢迴寺門還對海門開行人莫問

一作如
今莫上

橫山塔曾見開皇混一束

姑蘇臺畔千年土斷作牛羊出沒行惟有江山懷故國

五湖猶遠越東城

吳越臺池大業城如今花鳥故時春思量却是楞伽塔

欽定四庫全書

山房集
卷一

十一

曾見蘇州六代人

寒食懷游誠之

清溪寒食水瀾漫憶在齊山約共觀便著窄衫鞭馬去

路傍驚訝是文官

十九日初程至青陽趙令尹遣妓出迎自至池

不赴樂飲至此望見令却之

慶元丁
巳九月

飄泊寒城兩歲年巧粧那記紫微篇毛牆不用驚飛鳥

買藥韓休更可憐

重賦三高

著就農夫殺不收江湖著我繫虛舟漁樵拍手應相笑

不得長鯨取次休

兒女呻吟歲又窮也應無語對西風向來一箸鱸魚意

贏得寒亭四壁空

千金孰與此身多慚愧君王用已過乞得頭顱江海去

一生辛苦幾漁簑

寄友人

欽定四庫全書

山房集
卷一

十二

生前何事苦收身身後浮名底樣榮只得太湖三萬頃

與君亭下作真清

懷友人趙蹈中

水宿山行可煞勞山川應是怕才豪詩人只好遊湘水

上却巴陵恐是騷